

## Hu-Schie-Song (Melodie "Alles fährt Schi")

1. De Hu mit ere schneewisse Jagge  
sitzt a sim Pult und studiert,  
chunnt ächt au alles bald z'chlappe  
dass mer kei Stunde verliert?  
Zädel hät de Simon verlore.  
Charte häts au keini mee  
De Hu de jommeret schuurig:  
"Wie cha denn das alles au gscheeh ?"

Refr.:

Alles schrieht Schie, alles schrieht Schie,  
Schie schrieht alli Büro.  
Alles schrieht Schie, alles schrieht Schie,  
De Hu und de Stift machets so  
Es git halt nüt schöners, juhe, juhe,  
Als schriebe vo Schie no viel mee.  
Es git halt nüt schöners, juhe, juhe,  
als schriebe vo Schie no viel mee.

2. D'Schielehrer flott demonstriere:  
D'Zittaflle und d'Chärtli im Schuss.  
Gli wills de Ammann probiere;  
Do chunnt er au scho müme druss  
S'Chärtli stecke macht Freude,  
Stolz säit de Mu: "Das isch guet"  
Druf meint de Hu ganz bescheide:  
"S'Gfätterle lit mer im Bluet".

Refr.: Alles schrieht Schie ...

3. I dr AV sinds jetzt erscht z'zweite,  
De Schäff und de Stift ganz älei.  
Dä Schäff tuet alls unterschriebe,  
D'Arbet macht de Stift ganz älei.  
So schaffed beidi an Hufe,  
De Schäff und de Stift, ei,ei,ei.  
Lönd sie doch au no verschnufe,  
Sös schafft denn de Stift no älei.

Refr.: Alles schrieht Schie ...

4. De Pfiffner mit zündrote Bire  
stoht hinderem Schriebtisch und suecht.  
Chunt ächt de Fackel bald füre?  
Oh sind sie doch alli verfluecht!  
Do nennt er en Zädel, an neue  
und füllt en grad sälber au us.  
De Hundsicker wird sich do freue,  
Denn wer chunnt denn do au no drus?

Refr.: Alles schrieht Schie ...

5. De Schi hät en Zädel, en neue  
vom Hu ganz persönlich bicho.  
Er tuet sich bim ipacke freue,  
Es söll jetzt no viel besser go.  
Leider kennt me de Boge  
im Labor bis hütte no nöd,  
Und tuet de Schi drom no ploge.  
Er meint denn, sie teiged no blöd!

Refr.: Alles schrieht Schie ...

6. I dr AV tüends allpott verstelle,  
Tisch, Gsteller und au s'Telifon.  
Mer wüssed nöd, wers so hät welle,  
Mer glaubed, sie händ halt än Flohn.  
All vierzäh Tag mönds döt mol rume,  
Mit Zädel und Fackel und Schie.  
Mer glaubet, sie mached das nume,  
wills immer no händ zwenig Schie.

Refr.: Alles schrieht Schie ...

Gedichtet von Mäni Eugster (irgendwann zwischen 1965 und 1970)